



Broj: 02-36-772/25
Lukavac, 24.03.2025. godine

Na osnovu Zakona o mladima Federacije BiH („Službene novine Federacije BiH“, broj: 36/10), člana 108. a u vezi sa članom 41. Statuta Općine Lukavac – prečišćeni tekst („Službeni glasnik Općine Lukavac“ broj 5/08 i 1/14), Budžeta Grada Lukavac za 2025. godinu („Službeni glasnik Grada Lukavac“ broj 2/25), Odluke o izvršenju Budžeta Grada Lukavac za 2025. Godinu („Službeni glasnik Grada Lukavac“ broj 2/25), Programa utroška sredstava Transfera Službe za društvene djelatnosti i upravu Grada Lukavac za 2025. godinu („Službeni glasnik Grada Lukavac“ broj 3/25), Strategije za razvoj sporta općine Lukavac 2022-2027 („Sl. glasnik općine Lukavac“, broj: 2/22), Godišnjeg programa razvoja sporta i raspodjele sredstava iz oblasti sporta za 2025. godinu („Službeni glasnik Grada Lukavac“, broj: 2/25), Smjernica o minimalnim standardima dodjele budžetskih sredstava putem transfera i subvencija u Federaciji BiH („Sl. novine FBiH“ broj 37/24) i Pravilnika o finansiranju/sufinansiranju članarina djece i mladih u sportskim klubovima na području grada Lukavac Broj: 02-02-680/25 od 17.03.2025. godine, Gradonačelnik Grada Lukavac objavljuje

JAVNI POZIV
za finansiranje/sufinansiranje članarina djece i mladih u sportskim klubovima na području grada Lukavac

I

- (1) Objavljuje se Javni poziv za finansiranje/sufinansiranje članarina djece i mladih u sportskim klubovima na području grada Lukavac za budžetsku 2025. godinu u iznosu od 9.000,00 KM (devethiljada KM i 00/100 pfeninga).
- (2) Članarina podrazumjeva naknadu koju korisnici sredstava plaćaju udruženju ili privrednom društvu, koja obavljaju sportsku djelatnost, za učešće u organizovanim sportskim aktivnostima.
- (3) Cilj finansiranja/sufinansiranja članarina u sportskim klubovima je masovno uključivanje djece i mladih slabijeg socijalnog statusa u sportsko-rekreativne aktivnosti, te stvaranje pretpostavki da pohađanje organizovanim sportsko-rekreativnim programima bude dostupno svim građanima grada Lukavac.

II

OPĆI UVJETI

- (1) Pravo na dodjelu sredstava mogu ostvariti pojedinci koji ispunjavaju sljedeće uslove:
 - a) da su državljani Bosne i Hercegovine;
 - b) da imaju prebivalište na području grada Lukavac, najmanje godinu dana;
 - c) da su mlađi od 18 godina starosti u trenutku raspisivanja Javnog poziva;
 - d) da su aktivni članovi sportskih klubova sa područja grada Lukavac;



- e) da ukupna primanja po članu domaćinstva ne prelaze iznos od 40% minimalne mjesečne plate u FBiH iz decembra prethodne godine.
- f) Da nisu oslobođeni plaćanja članarine u sportskom klubu

III

- (1) Uz zahtjev je potrebno priložiti sljedeće dokumente (original ili ovjerene kopije):
- a) CIPS prijava o mjestu prebivališta pojedinca koji je aktivan član sportskog kluba (ne starija od 6 mjeseci);
 - b) potvrdu kluba da je pojedinac aktivan član kluba;
 - c) potvrdu kluba o visini mjesečne članarine;
 - d) kućnu listu;
 - e) dokaz o statusu i primanjima za sve članove domaćinstva iz stava 3. člana 5: (za zaposlene uvjerenje pravnog lica o prosjeku posljednje tri mjesečne plate; za privatne poduzetnike uvjerenje nadležne porezne ispostave o izmirenim poreznim obavezama vlasnika samostalne djelatnosti i uvjerenje o ostvarenom dohotku za prethodnu godinu i Obrazac GPD-1051 Godišnje prijave poreza na dohodak zaprimljen od strane poreske uprave za prethodnu godinu; za penzionere kopija posljednjeg čeka od penzije; za nezaposlene uvjerenje nadležne službe za zapošljavanje; za nezaposlene koji nisu na evidenciji Službe za zapošljavanje uvjerenje nadležne porezne ispostave o statusu osiguranja; za redovne učenike/studente uvjerenje o statusu učenika/studenta; za članove domaćinstva mlađe od 6 godina koji ne pohađaju osnovnu školu, kopija izvoda iz matične knjige rođenih, bez dodatnog ovjeravanja i neovisno od datuma izdavanja);
 - f) Za članove domaćinstva koji imaju dodatne prihode pored redovnih primanja (naknade po ugovoru o djelu, prihode od zakupnina, paušale, prihode ostvarene od poljoprivredne djelatnosti, dopuskog rada, i druga dodatna primanja), dostaviti Obrazac GPD-1051 Godišnje prijave poreza na dohodak zaprimljen i ovjeren od strane poreske uprave za prethodnu godinu. Isto važi i za privatne poduzetnike. Za primanja po propisima o boračko-invalidskoj zaštiti i zaštiti civilnih žrtava rata, materijalnu naknadu za vrijeme nezaposlenosti, naknadu po osnovu alimentacije, dostaviti relevantne dokaze.
 - g) Ovjerena Izjava da članovi domaćinstva nemaju dodatne prihode od već navedenih u prijavi na javni poziv.
 - h) Uvjerenje sa brojem žiroračuna kluba za uplatu članarine;
 - i) Za korisnike koji su prethodnu godinu ostvarili pravo za finansiranje/sufinansiranje sportskih članarina, Potvrdu kluba da je pojedinac aktivno učestvovao u trenažnom procesu u periodu za koji je finansirana/sufinansirana članarina;
 - j) Uvjerenje kluba da sportista nije oslobođen plaćanja članarine,
 - k) Za aplikante koji su prethodne godine ostvarili pravo na subvenciju članarine – dostaviti potvrdu sportskog kluba da su redovno i aktivno učestvovali u trenažnim procesima predviđenim za svoj uzrast u prethodnoj godini.

Korisnici sredstava iz prethodne godine koji ne opravdaju dodijeljena sredstva na način predviđen tačkom (k), neće moći ostvariti pravo na sufinansiranje/finansiranje mjesečnih članarina za naredni period.

IV

- (1) Kao osnovica za utvrđivanje minimalne plate uzima se minimalna plata u Federaciji BiH iz decembra prethodne godine.
- (2) Ukupan prihod domaćinstva čine prihodi koje članovi domaćinstva ostvaruju na temelju:
 1. plaća i drugih primanja iz radnog odnosa;
 2. starosne, invalidske i obiteljske penzije;
 3. poljoprivredne djelatnosti. Prihodom od poljoprivrednih djelatnosti, smatra se katastarski prihod iz prethodne godine koji se dijeli sa 12 mjeseci i s brojem članova domaćinstva.
 4. primanja po propisima o boračko-invalidskoj zaštiti i zaštiti civilnih žrtava rata;
 5. prihodi ostvareni na temelju imovinskog prava. Prihodom ostvarenim po temelju imovinskog prava, smatra se prihod ostvaren prodajom imovine ili davanjem u zakup ili najam.
 6. Dopunskog rada;
 7. Materijalna naknada za vrijeme nezaposlenosti;
 8. Naknada po osnovu alimentacije.
- (3) Prihodom u smislu stava 3. ove tačke ne smatra se lična invalidnina, novčana naknada za pomoć i njegu od strane drugog lica, ortopedski dodatak, stalna novčana pomoć, dodatak na djecu i stipendije učenika i studenata.

V

- (1) Grad će finansirati/sufinansirati članarine u sportskim klubovima na način da će isplatiti sredstva u iznosu preostalih mjesečnih članarina do kraja tekuće godine od aprila 2025. godine, na transakcijski račun kluba u kojem korisnik trenira.
- (2) Maksimalan iznos članarine koji će Grad sufinansirati na nivou jednog mjeseca iznosi 30,00 KM.
- (3) Ukoliko je iznos mjesečne članarine manji od iznosa navedenog u stavu (2) ovog člana, Grad će finansirati iznos stvarne članarine.

VI

- (1) Gradonačelnik imenuje Komisiju za dodjelu sportskih članarina (u daljem tekstu: Komisija). Komisija se sastoji od predsjednika i dva člana.
- (2) Komisija za dodjelu stipendija razmatra pristigle prijave na javni poziv, sačinjava zapisnik o radu, vrši bodovanje i utvrđuje privremenu rang listu kandidata koji ispunjavaju uslove propisane javnim pozivom.
- (3) Privremena rang lista kandidata za dodjelu stipendija objavljuje se na oglasnoj ploči i web stranici Grada Lukavac.
- (4) Na Privremenu rang listu kandidata može se izjaviti prigovor drugostepenoj komisiji Gradonačelnika u roku od 5 (pet) dana od dana objavljivanja iste.
- (5) Odluku po prigovoru drugostepena Komisija donosi u roku od 7 (sedam) dana. Odluka drugostepene Komisije po prigovoru je konačna.
- (6) Nakon rješavanja prigovora Gradonačelnik utvrđuje Konačnu rang listu kandidata za dodjelu sportskih članarina, koja se objavljuje na oglasnoj ploči i web stranici Grada Lukavac.

- (7) Ukoliko svi prijavljeni kandidati ispunjavaju uslove, odnosno nema odbijenih kandidata, odmah se utvrđuje konačna rang lista.
- (8) Isplata finansijskih sredstava predviđenih Budžetom Grada Lukavac, vršit će se na osnovu Odluke koju donosi Gradonačelnik, na prijedlog nadležne službe.
- (9) Javni poziv se objavljuje na web stranici Grada i ostaje otvoren 15 dana od dana objave na web stranici.
- (10) Zahtjevi se dostavljaju Službi za društvene djelatnosti i upravu putem Pisarnice.
- (11) Zahtjev za dodjelu sredstava u tekućoj kalendranskoj godini mogu podnijeti korisnici sredstava ili njihovi roditelji/staratelji.
- (12) Pitanja u vezi sa javnim pozivom se mogu postaviti putem e-mail adrese zeljko.zombra@lukavac.ba sa naznakom - za objavljeni Javni poziv za finansiranje/sufinansiranja sportskih članarina, na broj telefona 035/366-737 ili lično u kancelariji br. 23.

VII

- (1) Prijave na Javni poziv sa potrebnom dokumentacijom slati na adresu :

Grad Lukavac-Gradonačelnik
„Prijava na Javni poziv za finansiranje/sufinansiranja sportskih članarina djece i mladih Grada
Lukavac“
Trg slobode br.1., 75 300 Lukavac

ili lično u šalter Sali Grada Lukavac svakim radnim danom od 07:00-15:30 sati.

POMOĆNIK GRADONAČELNIKA
Mirela Bubić, dipl.pravnik

GRADONAČELNIK
dr. sc. Edin Delić

Dostaviti:

1. Služba za društvene djelatnosti i upravu 2x,
2. Evidencija,
3. Oglasna ploča 2x,
4. a/a